

# UGOVOR

o nabavci

zaključen između:

## JU OŠ „DŽEMALUDIN ČAUŠEVIĆ“ SARAJEVO

Sjedište: Sarajevo, Prvomajska 24

koju zastupa Šarkinović Beba, direktorica škole.

Identifikacijski broj: 4200166390005

(u daljem tekstu: Kupac)

i

## „TRISAR-INN“ d.o.o.

Sjedište: Sarajevo, Envera Šehovića 16 b

Kojeg zastupa Selimović Dževad, po punomoći broj: Z-TD-99-06DŽŠ/2018 od 18.06.2018.god.

Identifikacijski broj: 4200324560002

PDV broj: 200324560002

(u daljem tekstu: Dobavljač)

## PREDMET UGOVORA

Član 1.

Predmet ovog ugovora je nabavka:

- Sportske opreme za potrebe škole

## CIJENA

Član 2.

Cijena koju će Kupac isplatiti Dobavljaču za opremu iz člana 1. Ugovora iznosi:

- Cijena bez PDV-a = 20.896,00 KM.
- Porez na dodanu vrijednost (PDV 17%) = 3.552,32 KM
- UKUPNA VRIJEDNOST/CIJENA SA PDV-om = 24.448,32 KM  
(slovima: dvadesetčetirihiljadečetiristočetredesetosam i 32/100 KM)

## USLOVI I NAČIN PLAĆANJA

Član 3.

Plaćanje će se izvršiti Ministarstvo za obrazovanje, nauku i mlade kantona Sarajevo nakon što Kupac dostavi izvještaj i kompletnu dokumentaciju o predmetnoj nabavci.

Plaćanje se obavlja na žiro-račun Dobavljača.

Ukupna plaćanja Dobavljača bez PDV-a na temelju sklopljenog ugovora ne smiju prelaziti procijenjenu vrijednost nabavke.

Dobavljač je dužan sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena na usklađivanje.

## ROK IZVRŠENJA USLUGA

Član 4.

Rok isporuke ukupno ugovorene i specificirane količine opreme je 14-35 dana od dana pismene ispostavljene narudžbe od strane Kupca.

Pod isporukom se podrazumijevaju sve potrebne radnje koje je Dobavljač dužan obaviti; prema Ugovoru i prirodi posla, da bi Kupac mogao primiti isporuku.

Njesto izvršenja isporuke je sjedište Kupca.

Do isporuke/predaje opreme Kupcu rizik slučajne propasti ili oštećenja snosi dobavljač, a sa isporukom/predajom opreme rizik prelazi na Kupca.

Oprema koja je predmet ovog Ugovora i koju će Dobavljač isporučiti Kupcu prema ovom Ugovoru biće upakovana u originalnoj i neotvorenoj ambalaži od originalnog proizvođača uz označavanje pakovanja na propisan način.

## **VIŠA SILA**

### **Član 5.**

Ako slučaj više sile, potpuno ili djelimično spriječi izvršenje obaveza po ovom Ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 3 dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dejstvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 7 dana, ugovorne strane će se sporazumijeti o daljnoj sudbini Ugovora. Ukoliko se ugovorne strane ne sporazumiju o sudbini Ugovora, ugovorna strana kod koje nije nastupila viša sila ima pravo na raskid Ugovora pošto o tome pismeno obavijesti drugu ugovornu stranu.

## **STUPANJE UGOVORA NA SNAGU**

### **Član 6.**

Ovaj Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

## **PRIMJENA ZAKONA O OBLIGACIONIM ODNOSIMA**

### **Član 7.**

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi s i povodom izvršenja ovog ugovora.

## RIJEŠAVANJE SPOROVA

### Član 8.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, uz primjenu pozitivnog prava Bosne i Hercegovine.

## OSTALE ODREDBE


### Član 9.

Izmjene i dopune ovog Ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.


### Član 10.

Ovaj ugovor je sačinjen u 5 istovjetna primjerka od kojih Dobavljač zadržava 2, a Kupac 3.

Dobavljač:  
„TRISAR-INN“ d.o.o., SARAJEVO  
Selimović Dževad



Sarajevo, 09.07.2018.god.



Kupac: „Džemal i Bilal Čaušević“ Sarajevo:  
Direktorica:  
Selimović Beba

Broj: 819-01/18  
Sarajevo, 09.07.2018.god.